
একক ৪২ □ বড়ু চণ্ডীদাসের শ্রীকৃষ্ণকীর্তন—রাধা-বিরহ অংশ

গঠন

- ৪২.১ উদ্দেশ্য
- ৪২.২ প্রস্তাবনা
- ৪২.৩ মূলপাঠ
- ৪২.৪ মূল পাঠের ব্যাখ্যা বিশ্লেষণ
 - ৪২.৪.১ কাহিনী
 - ৪২.৪.২ রাধা-বিরহ কাহিনীর নির্যাস
 - ৪২.৪.৩ প্রতিটি পাদের সহজ ব্যাখ্যা
 - ৪২.৪.৪ চরিত্রচিত্রণ
 - ৪২.৪.৫ প্রকৃতি ও তার ভূমিকা
 - ৪২.৪.৬ নাট্যগুণ
 - ৪২.৪.৭ কাব্যমূল্যায়ন
 - ৪২.৪.৮ ‘রাধা-বিরহ’ অংশটি কি প্রক্ষিপ্ত?
 - ৪২.৪.৯ শব্দার্থ ও ভাষাতাত্ত্বিক টীকা
- ৪২.৫ সারাংশ
- ৪২.৬ অনুশীলনী
- ৪২.৭ উত্তরমালা
- ৪২.৮ গ্রন্থপঞ্জী

৪২.১ উদ্দেশ্য

এই একক পাঠের উদ্দেশ্য হ'ল—

- তুর্কীবিজয়ের পর বাংলার সমাজ-সাহিত্য ও সংস্কৃতির অন্ধকারময় যুগের আলোকবর্তিকারূপী বসন্তরঞ্জন রায় মহাশয় আবিষ্কৃত শ্রীকৃষ্ণকীর্তন কাব্য সম্পর্কে ধারণা গড়ে তোলা।
- শ্রীকৃষ্ণকীর্তন সম্পর্কে বাঙলা সাহিত্যের ইতিহাস—প্রথম পর্যায়ে শ্রীকৃষ্ণকীর্তনের বিস্তারিত আলোচনার সূত্রে এই কাব্যগ্রন্থ সম্পর্কে অর্জিত জ্ঞানের পরিধি আরো বিস্তৃত হবে।
- বারোটি খণ্ডে সজে ‘রাধাবিরহ’ অংশটি যুক্ত। একমাত্র শ্রীকৃষ্ণকীর্তন কাব্যের শেষ ও ত্রয়োদশ খণ্ডের নাম ‘রাধা-বিরহ’ একমাত্র এই শেষাংশের সজে ‘খণ্ড’ শব্দটি যুক্ত নেই। ‘রাধা-বিরহ’ অংশের মধ্য দিয়ে রাধার প্রেম ভাবনার অতলান্ত রূপটি ধরা পড়েছে।

- ‘রাধা-বিরহ’ অংশের মোট বাংলা ও সংস্কৃত কবিতা এবং কবিতাবলীতে কি কি রাগ-রাগিনীর উল্লেখ আছে তার সংখ্যাতত্ত্ব স্পষ্ট রূপে ধরা পড়বে।
- রাধা-বিরহের মূল কাহিনী, অন্যান্য খণ্ডের সঙ্গে এই কাব্যংশের পার্থক্য সম্পর্কে সম্পূর্ণ অবহিত হওয়া যাবে।
- শ্রীকৃষ্ণকীর্তন কাব্যের অন্যান্য খণ্ডে কাহিনীর প্রাধান্য। কিন্তু রাধা-বিরহ অংশে ভাবের প্রাধান্য। এই ভাব-জগতের সম্বন্ধী হয়ে শ্রীকৃষ্ণকীর্তন কাব্য সম্পর্কে নতুন ভাবনার অধিকার অর্জন করা সম্ভব হবে।
- গীতি কবিতার মূর্ছনা কিভাবে প্রকাশ পেয়েছে—তার পথরেখাও চোখের সামনে উদ্ভাসিত হবে।
- ‘রাধা-বিরহ’ অংশে রাধাপ্রেমের মধ্যে পরবর্তীকালের বৈষম্যপদাবলীর মধুর রসধারায় স্নাত রাধা-প্রেমের উৎস খুঁজে পাওয়া যাবে।
- প্রকৃতি ও মানুষের নিবিড় সম্পর্কের চিত্র আলোচ্য কাব্যংশে যে ভিন্ন মাত্রা সংযোজন করেছে—সেদিকেও দৃষ্টি বিশেষভাবে আকর্ষিত হবে।
- কৃষ্ণহারার রাধার মর্মযন্ত্রণার কথা জানা যাবে।
- অন্যান্য খণ্ডে অশ্লীলতার ছোঁয়া থাকলেও এই অংশে তা বিন্দুমাত্র স্পর্শ করতে পারেনি। প্রেমের স্বর্গরাজ্যে উপনীতা রাধার অন্তর বেদনা ও প্রেমভাবনার অনন্তরূপ সম্পর্কে চিন্তার জগতে রাধা চরিত্র সম্পর্কে নতুন ধ্যান-ধারণা জন্মাবে।
- এই অংশের ভাষাতাত্ত্বিক টীকায় আদি-মধ্য যুগের বাংলা ভাষার রূপ রেখাটি তুলে ধরায় সে যুগের ভাষা সম্পর্কে স্পষ্ট ধারণা জন্মাবে।
- শ্রীকৃষ্ণকীর্তনের অন্যান্য খণ্ডের সঙ্গে এই অংশের পার্থক্য কোথায়? তারও তথ্যাদি পাওয়া যাবে।
- রাধার ক্রমবিবর্তিত চিন্তা-চেতনার মনস্তাত্ত্বিক অতুলনীয় ব্যাখ্যা-বিশ্লেষণ নতুন ভাবনার খোরাক জোগাবে।

৪২.২ প্রস্তাবনা

১৯১৬ খ্রিস্টাব্দে বসন্তরঞ্জন রায়ের সম্পাদনায় ‘বঙ্গীয় সাহিত্য পরিষদ’ থেকে বড়ু চণ্ডীদাসের কাব্য ‘শ্রীকৃষ্ণকীর্তন’ নামে প্রকাশিত হয়। চণ্ডীদাস সমস্যা নিয়ে বিস্তারিত আলোচনা করে গবেষকগণ এই কাব্যের অধিকাংশ পদের ভিত্তিতে ‘বড়ু চণ্ডীদাস’-এর উল্লেখ দেখে এবং গ্রন্থের ভাষা ও উপস্থাপনা পদ্ধতি আলোচনা করে মতামত দিয়েছেন যে পদাবলীর চণ্ডীদাস ও বড়ু চণ্ডীদাস ভিন্ন কবি। ভাবগত ও অন্যান্য পুরাণের কৃষ্ণলীলা বিষয়ক কাহিনী কিছুটা অনুসরণ করে, জয়দেবের ‘গীতগোবিন্দ’র দ্বারা প্রভাবিত হয়ে গ্রামীণ প্রচলিত রাধা-কৃষ্ণ লীলা কাহিনীর উপর ভিত্তি করে বড়ু চণ্ডীদাসের কাব্যখানি লিখেছেন। কাব্যখানিতে মোট ১৩টি খণ্ড আছে। তবে জন্মখণ্ড, তাম্বুলখণ্ড, বাণখণ্ড ইত্যাদি ১২টি খণ্ড লিখে ত্রয়োদশ খণ্ডের নাম ‘রাধা-বিরহ’ বলে চিহ্নিত করেছেন। এতে ‘খণ্ড’ শব্দটি নেই। মূল পুঁথিতে আছে— ‘অথ রাধাবিরহঃ।’ এই অংশটি খণ্ডিত। ১৮৯/২ পত্র থেকে ২২৬/২ পত্র পর্যন্ত ‘রাধা-বিরহ’ অংশ। মূল কাব্যের প্রথম ২টি পাতা ও শেষের ১টি পাতা পাওয়া যায়নি। খণ্ডিত পুঁথির যা পাওয়া

গেছে তার উপরই আলোচনা সীমাবদ্ধ খণ্ডিত ‘রাধাবিরহ’ অংশে বাংলা কবিতা আছে মোট ৬৯টি এবং সংস্কৃত কবিতা আছে ১৭টি। প্রতিটি পদের সঙ্গে যুক্ত আছে রাগ-রাগিনী। তার সংখ্যা হ’ল মোট ২৩টি। এদের নাম যথাক্রমে বিভাষ, বেলাবেলী, ভৈরবী, ধানুশী, কোড়া, মালব, ভাটিআলী, ললিত, বঙ্গাল, কেদার ইত্যাদি। এছাড়া তাল, মান ও ধ্রুব পদেরও উল্লেখ আছে। প্রতিটি পদের সহজ সরল ব্যাখ্যার মধ্য দিয়ে মূল কাহিনী বিন্যাস করা হ’ল। রাধার বিরহ যন্ত্রণা, তার মনস্তাত্ত্বিক বিশ্লেষণে রাধা-চরিত্রের বৈশিষ্ট্য আলোচনার মধ্য দিয়ে রাধার উজ্জ্বল প্রেমমূর্তিটি তুলে ধরা হ’ল। অন্যান্য খণ্ডের রাধা ও এই এককের রাধার পার্থক্য লক্ষ্য করে চরিত্রটির স্পষ্ট বিবর্তন স্বচ্ছভাবে প্রতিফলিত হবে। গীতি কবিতার সুর ভাব-গভীরতার ব্যঞ্জনা কিভাবে আলোচ্য অংশে প্রকাশ পেয়েছে তা জেনে ‘রাধা-বিরহ’ অংশের সঠিক মূল্যায়ন সম্ভব হবে। চরিত্র চিত্রণ, প্রকৃতি ও মানুষের সম্পর্ক, প্রেমবৈচিত্র্য ভাষাগত দিক ইত্যাদি ব্যাপারে আলোচ্য অংশের বিশেষ বৈশিষ্ট্য নিয়ে শিক্ষার্থীরা ভাবতে পারবেন এবং নিজের ভাষার এই কাব্যংশের ব্যাখ্যা বিশ্লেষণ করতে পারবেন।

অথরাধাবিরহঃ

ইখং কৃষ্ণগতঃপ্রাণা কথঞ্চিন্মিজসদ্বানি।
 নিনায় কতিচিৎকালং রাধিকা গৃহকস্মিণি।।
 হরিণীহারিনয়না চিরায় বিরহে হরেঃ।
 জগাদ জরতীমেবং রাধা পঞ্চশরাতুরা।।

□ এই রূপে কৃষ্ণগতপ্রাণা রাধিকা কোনো রকমে গৃহকর্ম করিয়া নিজের গৃহে কিছুকাল কাটাইলেন। হরির দীর্ঘ বিরহে পঞ্চশরাতুরা হরিণী অপেক্ষাও সুন্দর নয়নবিশিষ্ট রাধা বড়ইকে এইরূপ বলিলেন।।

৩৫০. বিভাষরাগঃ ।। রূপকং।। দণ্ডকঃ।।

| | |
|---------------------------|-------------------|
| দূতা চিরকাল ভৈল | তভেঁ বনমালী নাইল |
| তাক মো পায়িবোঁ কত কালে। | |
| বড়ায়ি (১৯০/১) গো।। ১ | |
| সপনে দেখিলোঁ মো কাহ | চিন্তে না পড়এ আন |
| তাক পাঅবোঁ কমণ পরকারে।। ২ | |
| আইল চৈত মাস | কি মোর বসতী আশ |
| নিফল যৌবন ভারে।। ৩ | |
| বিরহে আন্তর জলে | সুতিলোঁ কদমতলে |
| আধিক আন্তর মোর পোড়ে।। ৪ | |
| পরিধান নেত লাসী | হাথত মোহন বাঁশী |
| সে কাহাএইঁ গেলা আকাশে।। ৫ | |

| | |
|-------------------------------------|----------------------------|
| সুতিলেঁ সখির বোলে | সজল নলিনীদলে |
| তাতে হৈতেঁ আনল শীতলে ॥ ৬ | |
| ডালি ভরী ফুল পানে | মোরে পাঠায়িল কাহে |
| তাক মো না ছুয়িলেঁ হাথে ॥ ৭ | |
| তাম্বল না লৈলেঁ করে | তোক মাইলেঁ চড়ে |
| তেঁসি কাহু আসুখিল মোরে ॥ ৮ | |
| দূতী ধরোঁ তোর পাএ | হের মোর প্রাণ জাএ |
| কহ মোরে জীবন উপাএ ॥ ৯ | |
| বহে প্রভাত সমএ | মলয় শিয়ল বাএ |
| বৃন্দাবনে কুয়িলী কাঢ়ে রাএ ॥ ১০ | |
| সাগরসঙ্গম গিঅাঁ | গাএর মাঁস কাটি (১৯০/২) অাঁ |
| আপণা মগর ভোজ দিঅাঁ ॥ ১১ | |
| এ জন্মে বা না কয়িলেঁ ভাগ | হারায়িলেঁ কাহের লাগ |
| আর তার না পায়িলেঁ লাগ ॥ ১২ | |
| কিবা পুরুব জরমে | খণ্ডব্রত কইল আয়ে |
| তার ফলেঁ কাহুপ্রিওঁ হারায়িলেঁ ॥ ১৩ | |
| আণি দেহ বনমালী | বন্দিঅাঁ দেবী বাসলী |
| গাইল বড়ু চণ্ডীদাসে ॥ ১৪ | |

□ রাখার উক্তি : হে দূতী, অনেকদিন হইয়া গেল, তবু বনমালী আসিলেন না। তাঁহাকে কতকাল পরে আমি পাইব ॥ ১ ॥ স্বপ্নে আমি কৃষ্ণকে দেখিয়াছি। এখন আর কিছু আমার মনে পড়ে না। তাঁহাকে কি প্রকারে পাইব ॥ ২ ॥ চৈত্রমাস আসিয়া গেল, নিষ্ফল যৌবনভার লইয়া আমার জীবনের কি আশা ॥ ৩ ॥ বিরহে হৃদয় দগ্ধ হইতেছে। কদমতলায় শুল্কাম, তাহাতে হৃদয়জ্বালা আরো বাড়িল ॥ ৪ ॥ তাঁহার পরিধানে নেতবস্ত্র, হাতে মোহন বাঁশি, সে কৃষ্ণ অন্তর্হিত হইলেন ॥ ৫ ॥ সখীর কথায় সজল পদ্বপত্রে শুল্কাম। আগুনও তাহা অপেক্ষা শীতল ॥ ৬ ॥ ডালা ভরিয়া কৃষ্ণ আমাকে ফুল পান পাঠাইলেন, তাহা আমি হাত দিয়াও ছুইলাম না ॥ ৭ ॥ হাতে পান লইলাম না, তোমাকে চড় মারিলাম, তাই কৃষ্ণ আমাকে অসুখী করিলেন ॥ ৮ ॥ দূতী তোমার পায়ে ধরি, দেখো আমার প্রাণ যায়, আমার জীবনরক্ষার উপায় বলিয়া দাও ॥ ৯ ॥ প্রভাতকালে শীতল মলয় বাতাস বহিতেছে, বৃন্দাবনে কোকিল কূজন করিতেছে ॥ ১০ ॥ সাগরসঙ্গমে গিয়া নিজের গায়ের মাংস কাটিয়া মকরকে খাওয়াইব ॥ ১১ ॥ এ জন্মে বোধ হয় তেমন ভাগ্য করি নাই। কৃষ্ণের সান্নিধ্য হারাইলাম, আর তাঁহার নাগাল পাইব না ॥ ১২ ॥ পূর্বজন্মে হয়ত আমি খণ্ডব্রত করিয়াছি, তাহার ফলেই কৃষ্ণকে হারাইলাম ॥ ১৩ ॥ বনমালীকে আনিয়া দাও ॥ ১৪ ॥

৩৫১. বেলাবলীরাগ : ॥ কুডুক্ক : ॥

দেখিলোঁ প্রথম নিশী সপন সুন তৌ বসী
সব কথা কহিআরোঁ তোহ্বারে হে।
বসিআঁ কদমতলে সে কৃষ্ম করিল কোলে
চুশ্বিল বদন আহ্বারে হে। ১
এ মোর নিফল জীবন এ বড়ায়ি ল।
সে কৃষ্ম আনিআঁ দেহ মোরে হে। ধু
লেপিআঁ তনু চন্দনে বুলিআঁ তবেঁ বচনে
আড়বাঁশী বাএ মধুরে।
চাহিল মোরে সুরতী না দিলোঁ মো আনুমতী
দেখিলোঁ মো দুঅজ পহরে। ২
তিঅজ পহর নিশী মোএওঁ কাহ্নাএওঁর কোলে বসী
নেহানিলোঁ তাহার বদনে (১৯১/১)।
ঈসত বদন করী মন মোর নিল হরী
বেআকুলী ভয়িলোঁ মদনে। ৩
চউঠ পহরে কাহ্ন মোর ভৈল রতিরস আশে।
দারুণ কোকিল নাদে ভাঁগিল আহ্বার নিন্দে
গাইল বডু চণ্ডীদাস। ৪

□ রাধার উক্তি : রাত্রি প্রথমভাগে যে স্বপ্ন দেখিলাম সেই স্বপ্ন বিষয়ক সব কথা তোমাকে বলিতেছি বসিয়া শোনো। সে কৃষ্ম কদমতলায় বসিয়া আমাকে ক্রোড়ে লইয়া মুখচুম্বন করিলেন। ১। হে বড়াই, আমার জীবন নিষ্ফল, সেই কৃষ্মকে আনিয়া দাও। ধু। দেহে চন্দন লেপন করিয়া মিষ্ট কথা বলিয়া মধুর স্বরে আড়বাঁশি বাজাইলেন। অনন্তর তিনি রতি ভিক্ষা করিলেন। কিন্তু আমি সম্মতি দিলাম না। দ্বিতীয় প্রহরে ইহাই দেখিলাম। ২। রাত্রি তৃতীয় প্রহরে আমি কৃষ্মের কোলে বসিয়া তাঁহার মুখ নিরীক্ষণ করিলাম। তিনি মৃদু হাস্য করিয়া আমার মনোহরণ করিয়া লইলেন। আমি মদনপীড়িতা হইলাম। ৩। চতুর্থ প্রহরে কৃষ্ম অধর পান করিলেন। আমার রতিরসলালসা জাগ্রত হইল। এমন সময় দারণ কোকিলনাদে আমার নিন্দা ভাজিয়া গেল। ৪।

৩৫২. বিভাষরাগ : ॥ কুডুক্ক : ॥

সপনে দেখিলোঁ মো কাহ্ন। আগ বড়ায়ি। চিন্তে মোর না পড়ে আন। কি হরি হরি।।
হানিল মদন পাঁচ বাণে। আগ বড়ায়ি। তেঁ মোর দগধ পরাণে।। কি হরি হরি।। ১

মুকুলিল কুঞ্জ নেআলী। আগ বড়ায়ি। আশিআর বনমালী।। ধু
 দক্ষিণ মলয়া বাত বহে। না জাগো মো কেহু করে গাএ।।
 বাঁটি করী কাহুপ্রিঁ আনাওঁ। রতী সুখে রজনী পোহাওঁ।। ২
 এ মোর বাহুর বলএ। সব খন খসিআঁ পড়এ।।
 অনমীষ নয়ন করিআঁ। বিকলী মো তার বাট চাহিআঁ।। ৩
 এবেঁ মোর সংপুন বএসে। কিকে কাহু করে আমরিষে।।
 বাঁ (১৯১/২) ট করী আন কাহু পাশে। গাইল বড়ু চণ্ডীদাসে।। ৪

□ **রাধার উক্তি :** ওগো বড়াই, আমি স্বপ্নে কৃষ্ণকে দেখিলাম। তিনি ছাড়া আমার চিত্তে আর কিছু স্থান নাই। ওগো বড়াই, মদন পঙ্কবাণ হানিল তাই আমার হৃদয়জ্বালা।। ১ ।। নবমল্লিকার কুঞ্জে মুকুল ধরিয়াকে। বনমালীকে আনিয়া দাও।। ধু ।। দক্ষিণ হইতে মলয় বাতাস বহিতেছে। আমার শরীর কেমন করিতেছে জানি না। শীঘ্র কৃষ্ণকে লইয়া আসি, মিলনসুখে রজনী যাপন করি।। ২ ।। আমার এই বাহুর বলয় নিরন্তর খসিয়া পড়িতেছে। আমি ব্যাকুল হইয়া অনিমেঘ নয়নে তাঁহার পথ চাহিয়া আছি।। ৩ ।। এখন আমার সম্পূর্ণ বয়স। কৃষ্ণ এখন ক্রোধ করে কেন? অবিলম্বে কৃষ্ণকে আমার পার্শ্বে আনো।। ৪ ।।

৩৫৩. ভৈরবীরাগঃ ।। একতালী।। রূপকম্বা।।

কাহুরে তাশ্বুল রাধা দিলোঁ তোর হাথে। সে তাশ্বুল রাধা তোঁ ভাঁগিলি মোর মাথে।।
 এবেঁ ঘুসঘুসআঁ পোড়ে তোর মন। পোটলী বাশ্বিআঁ রাখ নহুলী যৌবন।। ১
 পাগলী রাধা গোআলিনী গো। কখাঁ পাব নান্দে^১ যশোদার পো।। ধু
 গন্ধ চন্দন রাধা দিলোঁ তোর গাএ। সে গন্ধ চন্দন মুছিলী বাম পাএ।।
 এবেঁ তোঁ গোআলিনী কি বোলসি আর। কাহু দূর গেল বৃন্দাবনের পার।। ২
 বিথুর বুয়িলোঁ তোরে কাহুরে আন্তরে। তবেঁ বাম করেঁ চড় মায়িলি মোহোরে।।
 এবেঁ কাহুরে আন্তরে তোর প্রাণ জাএ। তাহাক করিব আয়ে কমন উপাএ।। ৩
 অনেক কাকুতী করে তোক গোআলিনী। আতি উতাপঠ হৈল দেব চক্রপাণী।।
 এবেঁ নিবারিআঁ থাক আপণার মন। গাইল বড়ু চণ্ডীদাস (১৯২/১) স বাসলীগণ।। ৪

□ **বড়াইর উক্তি :** কৃষ্ণের তাশ্বুল তোমার হাতে দিলাম। আমার মাথায় সে তাশ্বুল ভাজিলে। এখন তোমার মন ঘুসঘুস করিয়া পুড়িতেছে। তোমার নবযৌবন পুঁটুলি বাঁধিয়া রাখো।। ১ ।। পাগলী গোআলিনী রাধা, নন্দযশোদার পুত্রকে কোথায় পাইব।। ধু ।। রাধা, তোমার গায়ে যে গন্ধ চন্দন দিলাম তাহা তুমি বাম পায়ে মুছিলে। এখন আর কি বলিতেছ? কৃষ্ণ এখন বৃন্দাবন পরিত্যাগ করিয়া গিয়াছেন।। ২ ।। কৃষ্ণের জন্য তোমাকে বিস্তর বলিয়াছি। তখন তুমি আমাকে বাম হাতে চড় মারিলে। এখন কৃষ্ণের জন্য তোমার প্রাণ যায়। আমি তাহার কি উপায় করিব।। ৩ ।। তোমাকে অনেক কাকুতি করিয়া দেব চক্রপাণি অতিশয় ব্যথিত হইয়াছেন। এখন নিজের মন নিবারণ করিয়া থাকো।। ৩

১ অ। প্রঃ নান্দো।

৩৫৪. ধানুযীরাগঃ ॥ একতালী ॥

এ ধন যৌবন বড়ায়ি সবষ্ট আসার। ছিড়িআঁ পেলাইবোঁ গজমুকুতার হার ॥
মুছিআঁ পেলায়িবোঁ য়ে? সিসের সিন্দুর। বাহুর বলয়া মো করিবোঁ শংখচুর ॥ ১
দাবুণী বড়ায়ি গো দেহ প্রাণদান। আপণার দৈব দোষে হারায়িলোঁ কাহু ॥ ধু
মুছিআঁ পেলাইবোঁ কেশ জাইবোঁ সাগর। যোগিনীরূপ ধরী লইবোঁ দেশান্তর ॥
যবেঁ কাহু না মিলিহে করমের ফলে। হাতে তুলিআঁ মো খাইবোঁ গরলে ॥ ২
কাহু সমে সাধিতেঁ না পায়িলোঁ রতীসিধী। আঞ্জলের ধন মোর হরিলেক বিধী ॥
এভোহোঁ বড়ায়ি মোর কর প্রতিকার। আণিআঁ দিআর মোকে কাহু একবার ॥ ৩
মাথে শম্বু সম খোঁপা শিসতে সিন্দুর। এহা দেখি কেহে কাহু গেলান্ত বিদূর ॥
আনাথ করিআঁ মোক কাহুপ্রিওঁ পালাএ।
বাস (১৯২/২) লী শিরে বন্দী চণ্ডীদাস গাএ ॥ ৪

□ রাখার উক্তি : বড়াই, এ ধন-যৌবন সবই অসার। গজমুকুতার হার ছিঁড়িয়া ফেলিব। মাথার সিন্দুর মুছিয়া ফেলিব। বাহুর বলয় ভাঙ্গিয়া চূর্ণ করিব ॥ ১ ॥ নিষ্ঠুরা বড়াই গো, আমার প্রাণদান করো। নিজের ভাগ্যদোষে কৃষ্মকে হারাইলাম ॥ ধু ॥ মাথা মুড়াইয়া সাগরে যাইব। যোগিনী বেশ ধরিয়া দেশান্তরে চলিয়া যাইব। যদি কর্মফলে কৃষ্মকে না পাই তাহা হইলে হাতে তুলিয়া বিষ খাইব ॥ ২ ॥ কৃষ্মের সঙ্গে মিলন হইল না। আমার অঞ্জলের ধন বিধাতা হরণ করিলেন। বড়াই গো, এখনো প্রতিকার করো, কৃষ্মকে একবার আনিয়া দাও ॥ ৩ ॥ আমার মাথায় শম্বুসদৃশ খোঁপা, আমার সীমন্তে সিন্দুরী। তাহা দেখিয়াও কৃষ্ম দূরে গেলেন কেন? আমাকে অনাথ করিয়া কৃষ্ম চলিয়া গেলেন ॥ ৪

৩৫৫. ভৈরবীরাগঃ ॥ কুড়ুকঃ ॥

কাল কাহুপ্রিওঁ কঠিন তার আন্তর ল বোলোঁ চালেঁ না আইসে তোর থানে ॥
তোহার নেহাত লাগিআঁ অনেক সন্তাপ পাআঁ গেল বন্দাবনে ॥ ১
নিবারিআঁ থাক নিজ মনে।
আপণা রাখিআঁ কাহু এবেঁ গেল নিজ থান তাক পাইব কেনমনে ॥ ধু
তোর চরিত্র ভাবিআঁ আন্তর দগধ হআঁ ভাল মন্দ কিছু না মানিআঁ।
প্রতিজ্ঞা করিআঁ কাহে গেল মাঝ বন্দাবনে তোর নেহে তিনাঞ্জলী' দিআঁ ॥ ২
কমণ সুধিএওঁ যাইবোঁ কথা তার লাগ পাহবোঁ আপণেপ্রিওঁ বোল সুবদনী।
আশেষ প্রকার করী আণি দেব মুরারী তবেঁ তাক আণো গোআলিনী ॥ ৩
নটক সে গদাধরে অশেষ মুরুতী ধরে কোণ চিহে পাইবোঁ উদ্দেশে।
বাসলীচরণ শিরে বন্দিআঁ গাইল আনন্ত (১৯৩/১) বড়ু চণ্ডীদাস ॥ ৪

১ অ। প্র : নান্দো। □ ২ অ। প্র : নান্দো।

□ **বড়াইর উক্তি :** কৃষ্ণের বর্ণ কালো, তাঁহার অন্তর কঠিন। অনুরোধ উপরোধে তোমার কাছে আসেন না। তোমার প্রেমলাভের আশায় অনেক সন্তাপ পাইয়া তিনি বৃন্দাবনে চলিয়া গিয়াছেন। ১। নিজের মনকে নিবারণ করিয়া থাকো। নিজের মান রাখিয়া কৃষ্ণ নিজের স্থানে ফিরিয়া গিয়াছেন। তাঁহাকে আর কেমন করিয়া পাইবে। ধু। তোমার চরিত্র দেখিয়া তাঁহার অন্তর দগ্ধ হইয়াছে। তিনি ভালমন্দ কিছু না মানিয়া তোমার প্রেম বিসর্জন করিয়া প্রতিজ্ঞাপূর্বক বৃন্দাবন গমন করিয়াছেন। ২। কোন্ পথে যাইব এবং কোথায় তাঁহার নাগাল পাইব, হে সুবদনী, তুমি নিজেই সে কথা বলো। অনেক কৌশল করিয়া মুরারিকে জানিতে হইবে। তবে ত তাঁহাকে লইয়া আসিব। ৩। সেই নটরূপী গদাধর বিবিধ মূর্তি ধারণ করেন। কোন্ চিহ্ন দেখিয়া তাঁহার উদ্দেশ্য পাইব। ৪।

.....

৩৫৬. কোড়ারাগঃ ॥ রূপকং ॥ লগনী ॥ দণ্ডকং ॥

আয়িস ল বড়ায়ি রাখহ পরাণ। সহিত্তে নারোঁ মনমথবাণ ॥ ১
 কথাঁ মনমথ কথাঁ সে বাণ। কোমণ বাণেঁ লএ পরাণ ॥ ২
 বসন্তকালে কোকিল রাএ। মণে মনমথ সে বাণ তাএ ॥ ৩
 আয়্যার বোল সাবধান হয়। বাহির চন্দ্রকিরণে সোঅ ॥ ৪
 কি সূতিব আয়্যে চন্দ্রকিরণে। আধিকেঁ বড়ায়ি দহে মদনে ॥ ৫
 মোর বোল তেঁ মণে পরিভায়। সিতল চন্দন আঞ্জো বুলোঅ ॥ ৬
 পোড়ে কলেবর সেই চন্দনে। আয়্য নিঅাঁ যাহ সেই বৃন্দাবনে ॥ ৭
 বাঘ ভালুকে আতি গহনে। কেমণে যাইবেঁ সে বৃন্দাবনে ॥ ৮
 বাঘ ভালুকে বা আয়্যার খাউ। কাহাঞিওঁ উদ্দেশে পরাণ জাউ ॥ ৯
 যমুনা বহে খরতর ধার। কেমতেঁ তাহাত হইবেঁ পার ॥ ১০
 যবেঁ ডুবিয়া মরোঁ যমুনা তরঞ্জে। তবেঁ লয়িবোঁ গিঅাঁ কাহের সঞ্জে (১৯৩/২) ॥ ১১
 পরিহর রাখা কাহের আশে। বাসলী বন্দী গাইল চণ্ডীদাসে ॥ ১২

.....

□ **রাধার উক্তি :** ওগো বড়াই, এসো আমার প্রাণ রক্ষা করো। মন্থর বাণ আর আমি সহিতে পারি না। ১। বড়াইর উক্তি : মন্থর কোথায়? কোথায় তাঁহার বাণ? কোন্ বাণেই বা তিনি প্রাণ লন। ২। রাধার উক্তি : বসন্তকালে কোকিল ডাকিতেছে। মনে মন্থর আর এই কোকিলের ডাক তাঁহার বাণ। ৩। বড়াইর উক্তি : আমার কথায় মন দাও। বাহিরে চন্দ্রকিরণে শয়ন করো। ৪। রাধার উক্তি : চন্দ্রকিরণে শুইব কি? তাহাতে মদনের দাহ আরো অধিক বাড়িয়া যায়। ৫। বড়াইর উক্তি : আমার কথা যদি তোমার পছন্দ হয় তবে শীতল চন্দন অঞ্জো বুলোও। ৬। রাধার উক্তি : সেই চন্দনে দেহ পুড়িয়া যায়। আমাকে বৃন্দাবনে লইয়া যাও। ৭। বড়াইর উক্তি : গহন অরণ্যে অনেক বাঘ ভালুক। সে বৃন্দাবনে কেমন করিয়া যাইবে। ৮। রাধার উক্তি : বাঘ ভালুকে আমায় খায় ত থাক্। কৃষ্ণের জন্য যদি প্রাণ যায় সেও ভাল। ৯। বড়াইর উক্তি : যমুনা খরধারায় বহিতেছে। তাহাতে পার হইবে কি করিয়া। ১০। রাধার উক্তি : তরঙ্গচঞ্চল যমুনার জলে যদি ডুবিয়া মরি তাহা হইলে কৃষ্ণের সঙ্গ লাভ করিব। ১১। বড়াইর উক্তি : কৃষ্ণের আশা পরিত্যাগ করো। ১২।

৩৫৭. বিভাষরাগঃ ॥ একতালী ॥ রূপকন্বা ॥ দণ্ডকঃ

শত পল সোনা বড়ায়ি লত্যাঁ সে মেল। প্রাণনাথ কাহ্নাট্রিঁর উদ্দেশে চল ॥ ১
কাল কাহ্নাট্রিঁ মাথাতে ঘোড়াচুলে। এহি চিহ্নে কাহ্নাট্রিঁকে চাইহ গোকুলে ॥ ২
সুগন্ধ চন্দনে বড়ায়ি লেপিঅঁ গাএ। করঁ করতাল মধুর বাঁশী বাএ ॥ ৩
কাল কাহ্নাট্রিঁ গাএ ধরে পীত বাসে। ষোল শত গোপীজন যাএ তার পাশে ॥ ৪
নেত ধড়ী পিন্ধি আগু পাছু লাম্বাএ। চরণে নূপুর বুণুবুণু কাঢ়ে রাএ ॥ ৫
কপুরবাসিত বড়ায়ি নেহ গুআ পান। শকতি করিঅঁ চাহিঅঁ আন কাহ্ন ॥ ৬
আগেত চাইহ বড়ায়ি বসুলের ঘরে। আবাল চরিত্র কাহ্ন মায়া বড় করে ॥ ৭
তথ্যাঁ না পাইলঁ চাইহ যশোদার কোলে। মায়া পাতে কাহ্নাট্রিঁ তথ্যাঁ নিন্দভোলে ॥ ৮
তথ্যাঁ ন (১৯৪/১) পাইঅঁ চাইহ যমুনার কুলে।
বাছ রাখিবারেঁ কাহ্ন জাএ সে গোকুলে ॥ ৯
তথ্যাঁ না পাইঅঁ চাইহ যমুনার ঘাটে। শিশু সজে বেড়াএ সে যমুনানিকটে ॥ ১০
বৃন্দাবনে কাহ্নাট্রিঁ চাইহ ভালমতে। তরুগণে চড়ে কাহ্ন নানা ফল খায়িতে ॥ ১১
হাথতে লগুড় বাঁশী বাএ সে সুরজে। তথ্যাঁ চাইহ নারদ মুনি সজে ॥ ১২
তথ্যাঁ চাহিঅঁ না পাহ যবেঁ কাহ্ন। তবেঁস চাইহ বড়ায়ি গোপগণ থান ॥ ১৩
তথ্যাঁহোঁ চাহিঅঁ চাইহ অশঙ্কত থানে। গোপীগণ লত্যাঁ কিবা করে নিধুবনে ॥ ১৪
তথ্যাঁহোঁ চাহিঅঁ যবেঁ না পাহ গোপালে। তবেঁসি চাইহ গিঅঁ ভাগীরথীকুলে ॥ ১৫
তথ্যাঁহোঁ না পাইলঁ চাইহ সাগরের ঘরে। সাগর গোআলে বাত পুছিহ সত্বরে ॥ ১৬
তথ্যাঁ গেলঁ যবেঁ বড়ায়ি না পাহ কাহ্নে। তবেঁস পুছিহ বড়ায়ি সব জন থানে ॥ ১৭
তথ্যাঁ সুধি পাইবোঁ যথা বসে (১৯৪/২) জগন্নাথে।
আদি আন্ত কথা সব কহিল তোহ্বাতে ॥ ১৮
তোল বোলঁ কাহ্ন মোর আসিবেক পাশে। বাসলী শিরে বন্দী গাইল চণ্ডীদাসে ॥ ১৯

□ রাধার উক্তি : হে বড়াই, শত পল সোনা লইয়া প্রাণনাথ কৃষ্ণের উদ্দেশ্যে চলো ॥ ১ ॥ তাঁহার বর্ণ কালো, তাঁহার মাথায় ঘোড়া চুল, এই চিহ্নে গোকুলে তাঁহার খোঁজ করিবে ॥ ২ ॥ গায়ে সুগন্ধ চন্দন লেপন করিয়া হাতে করতাল ও মুখে মধুর বাঁশি বাজান ॥ ৩ ॥ কৃষ্ণের অঙ্গে পীতবাস, ষোলো শত গোপী তাঁহার পাশে পাশে যায় ॥ ৪ ॥ তাঁহার পরিধানে নেতবস্ত্র, তাহা সম্মুখে পিছনে বুলিয়া পড়িয়াছে। তাঁহার পায়ে নূপুর বুণুবুণু বাজিতেছে ॥ ৫ ॥ বড়াই, এক কপূরবাসিত পানসুপারি লইয়া যাও, কষ্ট করিয়া শ্রীকৃষ্ণকে খুঁজিয়া আনো ॥ ৬ ॥ আগে বসুদেবের ঘরে তাঁহার খোঁজ করিও। তাঁহার বালকস্বভাব অনেক মায়া করেন ॥ ৭ ॥ সেখানে না পাইলে যশোদার কোলে খোঁজ করিও, নিদ্রাবেশে সেখানে মায়া পাতেন ॥ ৮ ॥ সেখানেও না পাইলে যমুনার কুলে দেখিও, গো-বৎস চরাইবার জন্য তিনি গোকুলে

১ 'কাহ্ন' তোলাপাঠে। □ ২ 'চাইহ' তোলাপাঠে। পাঠ-পরিচয় দ্রষ্টব্য।

যান ॥ ৯ ॥ সেখানে না পাইলে যমুনার ঘাটে দেখিও, বালকদের সঙ্গে কুম্বা যমুনার নিকটেই বেড়ান ॥ ১০ ॥ বৃন্দাবনে ফল খাইবার জন্য তিনি গাছে গাছে চড়েন। সেখানেও ভাল করিয়া খোঁজ করিও ॥ ১১ ॥ হাতে তাঁহার লাঠি, মহানন্দে তিনি বাঁশি বাজান। নারদ মুনির সঙ্গে তাঁহার দেখা পাওয়া যাইতে পারে ॥ ১২ ॥ সেখানেও না পাইলে গোপগণের আবাসে তাঁহার খোঁজ করিও ॥ ১৩ ॥ সেখানে খোঁজ করিয়া সঙ্কটস্থানে যাইও যেখানে তিনি গোপীগণসহ কেলি করেন ॥ ১৪ ॥ সেখানেও যদি না পাও তাহা হইলে ভাগীরথীকূলে গিয়া তাঁহার সন্ধান করিবে ॥ ১৫ ॥ সেখানে না পাইলে সাগর গোয়ালার ঘরে গিয়া ত্বরায় তাঁহার সংবাদ জিজ্ঞাসা করিবে ॥ ১৬ ॥ সেখানেও তাঁহাকে না পাওয়া গেলে সকলের কাছে তাঁহার কথা জিজ্ঞাসা করিও ॥ ১৭ ॥ তাহা হইলে জগন্নাথ কুম্বা কোথায় থাকেন সে সংবাদ জানিতে পারিবে। আদ্যন্ত সব কথা তোমাকে বলিলাম ॥ ১৮ ॥ তোমার কথায় কুম্বা আমার নিকটে আসিবেন ॥ ১৯ ॥

৩৫৮. ভৈরবীরাগঃ ॥ কুড়ুকঃ ॥

মোএওঁ ত সুন্দরি রাধা আতি বড় বুটী ল বেড়ায়িত্তেঁ মোতে বল নাইঁ।
 মোএওঁ যে বোলোঁ উত্তর হাত আনুমতি কর আপণেত্রিওঁ চাহ ত কাহুত্রিওঁ ॥ ১
 রাধা ল। না হেলিহ বচন আহ্বারে।
 যে পথেঁ উদ্দেশ পাহা সে পথেঁ আপণে যাহা তরেঁ কাহুত্রিওঁ মেলিব তোহ্বারে ॥ ধু
 চাহিত্তেঁ চাহিত্তেঁ যবেঁ সে কাহুর লাগ পাহ তবেঁ তাক বুলিহ বিনএ।
 আঅর বোলোঁ উপাএ ধরিহ তাহার পাএ তবেঁ তোকে হয়িবে সদএ ॥ ২
 কাহুর উদ্দেশ করী ভ্রমিহ মধুরা পুরী নানা গিরী কন্দর বনে।
 বড় যতন করিআঁ চণ্ডীরে পূজা মানিআঁ তবেঁ তার পাইবেঁ দরশনে ॥ ৩
 চল তোঁ মথুরা পুরী (১৯৫/১) তথাঁ তোকে পাইবে হরী না ছাড়িহ রাধা তার পাশে।
 বাসলীচরণ শিরে বন্দিআঁ অনন্দ বড়ু গাইল চণ্ডীদাসে ॥ ৪

□ **বড়াইর উক্তি :** হে সুন্দরী রাধা, আমি অতিশয় বৃন্দ হইয়াছি। চলিবার শক্তি আমার নাই। আমি যে কথা বলি তাহাতে সম্মত হও। নিজেই কুম্বের সন্ধান করো ॥ ১ ॥ রাধা আমার কথা অবহেলা করিও না। যে পথে তাঁহার উদ্দেশ পাও সেই পথে নিজে যাও সেখানে কুম্বাকে পাইবে ॥ ধু ॥ খুঁজিতে খুঁজিতে যখন কুম্বের নাগাল পাইবে তখন বিনয়সহকারে তাঁহাকে বলিও। আর একটি উপায় বলি, তুমি তাঁহার পায়ে ধরিও, তবেই তিনি তোমার প্রতি সদয় হইবেন ॥ ২ ॥ কুম্বের সন্ধানে মথুরাপুরীতে এবং নানা পর্বতে গিরিগুহায় ও অরণ্যে পরিভ্রমণ করিও। অনেক কষ্ট করিয়া চণ্ডীকে পূজা মানত করিয়া তবে তাঁহার দর্শন পাইবে ॥ ৩ ॥ মথুরা নগরে চলো, সেখানে কুম্বের দেখা মিলিবে। তাঁহাকে পাইলে আর তাঁহার পার্শ্ব পরিত্যাগ করিও না ॥ ৪ ॥

৩৫৯. মালবরাগঃ ॥ একতালী ॥

দধি দুধে সাজাইআঁ চুকে।
 সুণ বড়ায়ি ল। জাইবোঁ হাট মথুরাক বিকে ॥ নাএ ॥

আল হের। না বিকাএ যদি দুধ তথাঁ।
সুণ বড়ায়ি ল। তভোঁ কাহাঐঐঁ সমে হৈবে কথা।। নাএ।। ১
আল হের। মথুরার নামে প্রাণ বুৱে।
সুণ বড়ায়ি ল। সাদ লাগে কাহাঐঐঁ দেখিবারে।। নাএ।। ধু
পিন্ধি বউল পুপ্পের হার। কল্পত কুণ্ডল হিরার ধার।।
পিন্ধিআঁ আমূল পাটোলে। কাহাঐঐঁ দেখি পড়ি গেলোঁ ভোলে।। ২
যেই খনে কাহাঐঐঁ দেখিবোঁ। তখনেই তাক না এড়িবোঁ।।
যোগী যোগ চিন্তে যেহমনে। কাহাঐঐঁ ছাড়ী না জাগো মো আনে।। ৩
না শূণিলোঁ তোহ্মার বচনে। না খাইলোঁ কাহের গুআ পানে।।
যত কৈল সব মতিমো (১৯৫/২) যে। গাইল বড়ু চণ্ডীদাসে।। ৪

□ রাখার উক্তি : হে বড়াই দধিদুধ সাজাইয়া লইয়া মথুরার হাটে বিক্রয় করিতে যাইব। দেখো বড়াই, সেখানে যদি দুধ না বিকায় তবু ত কৃষ্ণের সহিত দেখা হইবে।। ১।। দেখো বড়াই, মথুরার নামে প্রাণ কাঁদে। কৃষ্ণকে দেখিবার জন্য ইচ্ছা হয়।। ধু।। তিনি বকুল ফুলের মালা পরিয়াছেন। তাঁহার কানে হীরার ঝালর দেওয়া কুন্ডল। পরিধানে বহুমূল্য পটবস্ত্র। সেই কৃষ্ণকে দেখিয়া আমি আত্মবিস্মৃত হইয়াছি।। ২।। কৃষ্ণকে দেখিলে আর ছাড়িব না।। ৩।। তোমার কথা শুনিলাম না, কৃষ্ণের পানসুপারি খাইলাম না। যাহা করিয়াছি বৃষ্টিভ্রংশ হেতু করিয়াছি।। ৪।।

১ প্রথমে 'যেহে' লেখা। পরে হু'র 'ট'-কার কাটা এবং তোলাপাঠে 'মনে' যুক্ত।

৩৬০. ভাঠিআলীরাগঃ। লখুশেখর ঃ।।

যে না দিগেঁ গেলা চক্রপাণী। আল বড়ায়ি গো।
সে দিগেঁ কি বসন্ত না জাগী।। আল।।
এঁবে মোর মণের পোড়নী।। আল বড়ায়ি গো।
যেন উয়ে কুস্তারের পণী।। আল।। ১
কমণ উদ্দেশ্যে মো জাইবোঁ। আল বড়ায়ি গো।
কথাঁ না সুন্দর কাহু পাইবোঁ।। আ।। ধু
মুকুলিল আশ্ব সাহারে। মধুলোভেঁ ভ্রমর গুজরে।।
ডালে বসী কুয়িলী কাড়ে রাএ। যেহু লাগে কুলিশের ঘাএ।। ২
দেব অসুর নরগণে। বস হএ মনমথবাণে।।
না বসএ তথাঁ কি মদনে। যে দিগেঁ বসে নারায়ণে।। ৩
পীন কঠিন উচ তনে। কাহাঐঐঁ পাইলেঁ দিবোঁ আলিঙ্গানে।।

তভেঁ যদি এড়ে দামোদরে। তা দেখিতেঁ প্রাণ জাএব মোরে' ॥ ৪
না শূণিলোঁ কাহ্নাঐরঁ বোলে। না নয়িলোঁ কাহ্নাঐরঁ তাম্বুলে ॥
যত কৈলোঁ সব মতিমোষে। গাই (১৯৬/১) ল বডু চণ্ডীদাসে ॥ ৫

□ রাধার উক্তি ঃ বড়াই গো, য়েদিকে কৃষ্ণ গেলেন বসন্ত কি সে দিক জানে না? এখন আমার মনের দাহ কুমারের পোয়ানের মত ॥ ১ ॥ আমি কোন্ দিকে যাইব? কোথায় গেলে কৃষ্ণকে পাইব ॥ ধু ॥ আমার শাখায় মুকুল ধরিয়াছে। মধুললোভে ভ্রমর গুঞ্জন করিতেছে। ডালে বসিয়া কোকিল ডাকিতেছে। সে ডাক আমার পক্ষে বজ্রের আঘাতের মতই নিদারুণ ॥ ২ ॥ দেবতা, অসুর এবং মানুষ — মন্থবাণে বশ হয় সকলেই। নারায়ণ য়েদিকে অবস্থান করেন, মদন কি সেদিকে থাকে না ॥ ৩ ॥ পীন পয়োধর দিয়া কৃষ্ণকে আলিঙ্গন করিব। তবু যদি আমাকে পরিত্যাগ করিয়া যান তাহা হইলে আমার প্রাণ বাহির হইয়া যাইবে ॥ ৪ ॥ আমি কৃষ্ণের কথা শূনি নাই, তাঁহার পান লই নাই। যাহা করিয়াছি তাহা নিবুস্থিতাবশেই করিয়াছি ॥ ৫ ॥

১ 'মো' তোলাপাঠে।

৩৬১. ধনুষীরাগঃ ॥ যতিঃ ॥

তোকে তত্ত্ব বোলোঁ চন্দ্রাবলী। ষোড়হাথ করী বনমালী ॥
তাত বড় পাইল আপমান। তেঁসি তোহ্না ছাড়ী গেল কাহ্ন ॥ ১
এবেঁ তোর বিরহ পোড়নী। আল। কথাঁ গিআঁ পাইব চক্রপাণী ॥ ধু
তোর সখিজন হেন চাহে। কাহ্নাঐরঁ তেজুক তোহোর' নেহে ॥
তবেঁ কাহ্নাঐরঁ লআঁ। বৃন্দাবনে। কেলি করে সেহি গোপীগণে ॥ ২
ষোলহ' সহস্র গোপী লয়িআঁ। বৃন্দাবন মাঝত বসিআঁ ॥
নানা রসে বসে বনমালী। তোহ্নাক বঙ্কিআঁ চন্দ্রাবলী ॥ ৩
আইস রাধা যাই বৃন্দাবনে। তবেঁ তার পাব দরশনে ॥
তবেঁ তোরে কাহ্ন বাং সম্বাসে। গাইল বডু চণ্ডীদাসে ॥ ৪

□ বড়াইর উক্তি ঃ চন্দ্রাবলী তোমাকে সত্য কথা বলি। বনমালী হাত জোড় করিয়া অপমানিত হইয়াছেন। তাই তোমাকে ছাড়িয়া গিয়াছেন ॥ ১ ॥ এখন তোমার বিরহের জ্বালা। চক্রপাণিকে কোথায় পাইব ॥ ধু ॥ তোমার সখীর চায় কৃষ্ণ তোমার প্রেম পরিত্যাগ করুন। তাহা হইলে তাহারা বৃন্দাবনে গিয়া কৃষ্ণকে লইয়া কেলি করিতে পারে ॥ ২ ॥ বৃন্দাবনের মধ্যে বসিয়া বনমালী তোমাকে বঙ্কনা করিয়া ষোল সহস্র গোপী লইয়া নানা রসে দিনযাপন করিতেছেন ॥ ৩ ॥ চলো রাধা বৃন্দাবনে যাই। সেখানে গেলে তাঁহার দেখা পাইবে। তখন কৃষ্ণ তোমাকে সম্বাষণ করিতে পারেন ॥ ৪ ॥

১ 'হো' তোলাপাঠে। □ ২ 'হ' তোলাপাঠে। □ ৩ 'বা' তোলাপাঠে।

৩৬২. ললিতরাগঃ ॥ একতালী ॥

অশরীরশর কৃশিতাজ্জলতা বিততাধিযুতা গতসাতততিঃ ।

পরিচিন্তা চিরং চিরতানি (১৯৬/২) হরেরভিমন্যুজননীং জরতীমবদৎ ॥

□ মন্থথশরে অভিমুন্যপত্নী রাখার অজ্জলতা খিন্ন, বিরহবেদনায় তিনি পীড়িত, তাঁহার মনে সুখের লেশ নাই। কৃষ্ণের চরিত চিন্তা করিয়া তিনি বড়াইকে বলিলেন ॥

.....

যে কাহ্ন লাগিআঁ মো আন না চাহিলেঁ বড়ায়ি না মানিলোঁ লঘু গুরু জনে ॥
হেন মনে পড়িহাসে আছা উপেখিআঁ রোষে আন লআঁ বঞ্চে বৃন্দাবনে ॥ ১
বড়ায়ি গো ॥ কত দুখ কহিব কাঁহিণী ।
দহ বুলী ঝাঁপ দিলোঁ সে মোর সুখাইল ল মোএওঁ নারী বড়ো আভাগিনী ॥ ধু
নান্দে'র নন্দন কাহ্ন যশোদার পো আল তার সমে হো বাঢ়ায়িলোঁ ।
গুপতেঁ রাখিতেঁ কাজ তাক মোএওঁ বিকাসিলোঁ তাহার উচিত ফল পাইলোঁ ॥ ২
সামী মোর দুরুব'র গোআল বিশাল প্রতি বোল ননন্দ বাছে ।
সব গোপীগণে মোরে কলঙ্ক তুলিআঁ দিল রাখিকা কাহ্নাএওঁ'র সঙ্গে আছে ॥ ৩
এত সব সহিলোঁ মো কাহ্নে'র নেহাত লাগী বড়ায়ি মোকে নেহ কাহ্নাএওঁ'র পাশে ।
বাসলীচরণ শিরে বন্দিআঁ গাইব বড়ু (১৯৭/১) চণ্ডীদাসে ॥ ৪

□ রাখার উক্তি ঃ বড়াই, যে কৃষ্ণের জন্য আমি আর কিছু চাই না, যাঁহার জন্য আমি লঘুগুরুজন মানি নাই, আমার মনে হয় তিনি আমার প্রতি রোষবশত আমাকে উপেক্ষা করিয়া অন্য রমণীর সহিত বৃন্দাবনে বাস করিতেছেন ॥ ১ ॥ বড়াই গো, দুঃখের কথা কত বলিব? ডুবিয়া মরিব বলিয়া সরোবরে ঝাঁপ দিলাম, সে সরোবরও শুকাইয়া গেল, আমি এমনই মন্দভাগিনী ॥ ধু ॥ নন্দে'র নন্দন যিনি যশোদার পুত্র, সেই কৃষ্ণের সহিত প্রীতি বর্ধিত করিলাম, যে কাজ গোপন রাখা উচিত ছিল তাহাই প্রকাশিত করিয়া উচিত ফল পাইলাম ॥ ২ ॥ আমার স্বামী দুর্দান্ত বলিয়া গোপবংশে বিখ্যাত। আমার নন্দন প্রতি কথায় দোষ ধরে। গোপীর সকলেই কৃষ্ণের প্রতি আসক্ত বলিয়া আমার কলঙ্ক রটনা করিয়াছে ॥ ৩ ॥ এতসব যে আমি সহ্য করিলাম, সে কেবল কৃষ্ণপ্রেমের জন্য। ওগো বড়াই, আমাকে কৃষ্ণের নিকট লইয়া যাও ॥ ৪ ॥

৩৬৩. বঙ্গালরাগঃ ॥ রূপকং ॥

হরি হরি। আসুখ না, কর তোয়ে শুন গোআলী ।
নিকট মেলিব, তোর প্রিয় বনমালী ॥
হরি হরি। মলিন না কর রাখা চান্দসম মুখ ।
তো'র দেহগতি দেখি মোতে লাগে দুখ ॥ ১
হৃদয়ে ভরস কর থাক মোর থানে। আপণে মেলিব তোক গোকুলের কাছে ॥ ধু

আইস মোর সঙ্গে রাধা যাই বৃন্দাবনে। চাহি কুঞ্জে কুঞ্জে তোর প্রিয় নারায়ণে।।
 বারতা পুছিউ রাধা সব জন থানে। আবসি দেখিল কেহো শ্রীমধুসূদনে।। ২
 কেমনে বেড়াএ কাহ্ন কিবা রূপ ধরে। একেঁ একেঁ সব কথা কহ তৌঁ আহ্বারে।।
 আবাসে জাণিব কেহো যথাঁ বসে কাহ্নে। পুছিতেঁ পুছিতেঁ তার পাব দরশনে।। ৩
 কিবা জল কিবা থল কিবা বৃন্দাবনে। গরু রাখে কিবা বনে নান্দের নন্দনে।।
 সব ঠাই চাহিআঁ আণিব (১৯৭/২) শ্রীনিবাস। বাসলী শিরে বন্দী গাইল চণ্ডীদাস।। ৪

□ বড়াইর উক্তি : গোপ কন্যা রাধিকা, তুমি দুঃখ করিও না। প্রিয় বনমালীকে তুমি নিকটে পাইবে। তোমার চাঁদের মতো মুখখানি মলিন করিও না। তোমার দেহের অবস্থা দেখিয়া আমার দুঃখ হয়।। ১।। হৃদয়ে ভরসা রাখিয়া আমার কাছে থাকো। গোকুলের কৃষ্ণ আপনি আসিয়া তোমার সহিত মিলিত হইবেন।। ধ্রু।। আমার সহিত আইস। চলো বৃন্দাবনে গিয়া কুঞ্জে কুঞ্জে তোমার প্রিয় নারায়ণের খোঁজ করি। সবার কাছে তাঁহার সংবাদ জিজ্ঞাসা করি। শ্রীমধুসূদনকে অবশ্যই কেহ না কেহ দেখিয়া থাকিবে।। ২।। আচ্ছা, কৃষ্ণ কিভাবে বেড়ান, কি কি রূপ ধারণ করেন, একে একে আমাকে সব কথা বলো ত। তিনি যেখানে থাকেন সে স্থান অবশ্যই কেহ দেখিয়া থাকিবে। জিজ্ঞাসা করিতে করিতে তাঁহার দেখা পাইবই।। ৩।। নন্দনন্দন শ্রীনিবাস জলেই থাকুন আর স্থলেই থাকুন অথবা বৃন্দাবনে গোচারণেই রত থাকুন, সব স্থান খুঁজিয়া তাঁহাকে তোমার নিকট আনিব।। ৪।।

৩৬৪. ললিতরাগঃ। একতালী।।

ময়ূরপুছে বাণ্ধি চূড়া কেশপাশে দিঅাঁ বেঢ়া কনয়া কুসুমে বাণ্ধী জটা।
 দেহ নীল মেঘ ছটা গন্ধ চন্দনের ফোটা যেন উয়ে গগনে চন্দ গোটা।। ১
 দূতা ল তোহ্নে কি দেখিলেঁ কৃষ্ণ জায়িতেঁ। আ।
 এ বাটে জায়িতেঁ গায়িতেঁ নান্দের পোঅ হাসিতেঁ এ বাঁশী বোলায়িতেঁ।। ধ্রু
 নিস্মল কমল বঅনে নীল উতপল নয়নে রতন কুণ্ডল শোভে কল্পে।
 মাণিক দশন যুতী গিএ শোভে গজমুতী জীএ রাহি তার দরশনে।। ২
 চন্দন চর্চিত গাএ ঘাঘর মগর পাএ হেন বেশ হেন দরশনে
 নেত পরিধান লাসী হাথে মৌহারী বাঁশী সে কৃষ্ণ গেলান্ত গগনে।। ৩
 মোএওঁত আভাগিনী রাহী তেঁসি হারায়িলোঁ কাহ্নাওঁ এবেঁ তাক চাহি বন' দেশে।
 তথাঁ (১৯৮/১) ত পাইব সুধী বড়ায়ি তোহ্নার বৃধী গাইল বড়ু চণ্ডীদাসে।। ৪

□ বড়াইর প্রতি রাধা। রাধা কর্তৃক কৃষ্ণের রূপ বর্ণিত।

১ 'ন' তোলাপাঠে।

৩৬৫. কেদাররাগ : ॥ রূপকং ॥

তোয়ে ত নাতিনী মোর পরাণ সমান। তোহার খানত মো না বুলিবোঁ আন।।
আবসি আইসে কাহু কদমের তলে। হাথত লগুড় করা রাখএ গোকুলে।। ১
চল চল গোআলিনী যমুনার কূলে। আবসী পাইবী তথাঁ বালগোপালে।। ধু
কিবা রাতী কিবা দিন মাঝ বৃন্দাবনে। নানা ফুল নানা ফল খাএ নারায়ণে।।
গোপযুবতী সমে করে নিধুবন। তথাঁ গেলেঁ রাধা' তার পাইব দরশন।। ২
শুভ যাত্রা করি রাধা কর মনোবল। তথাঁ তোর মনোরথ হয়িব সফল'।।
আয়ে জাণি কাহাঐওঁ চরিত্র সকল। ছাড়িতেঁ না পারে সে তো' কদমের তল।। ৩
পরভয় কর রাধা আহ্বার বচনে। সত্য বচন ছাড়ী না বোলোঁ মো আনে।।
কদমতলাক জাইউ চি (১৯৮/২) গুের হরিষে। বাসলী শিরে বন্দী গাইল চণ্ডীদাসে।। ৪

□ বড়াইর উক্তি : নাতিনী তুমি আমার প্রাণের সমান, তোমার কাছে মিথ্যা বলিব না। কৃষ্ণ কদম্বতলে অবশ্যই আসেন এবং হাতে লাঠি লইয়া গোচারণ করেন।। ১।। গোয়ালিনী, যমুনার কূলে চলো। সেখানে বালক গোপালের দেখা নিশ্চয় পাইবে।। ধু।। কি দিন কি রাত্রি নারায়ণ সর্বদাই বৃন্দাবনে নানা ফুল তুলেন, নানা ফল খান এবং গোপীযুবতীগণের সহিত কেলি করেন। রাধা সেখানে গেলে নিশ্চয় তাঁহার দর্শন পাইবে।। ২।। হে রাধা, শুভযাত্রা করিয়া মনে সাহস সঞ্চার করো। সেখানে গমন করিলে তোমার মনোরথ সফল হইবে। আমি শ্রীকৃষ্ণের স্বভাব জানি, তিনি কদম্বের তল ছাড়িতে পারেন না।। ৩।। আমার বাক্যে বিশ্বাস করো, আমি সত্যকথা ভিন্ন মিথ্যা বলি না প্রসন্নচিত্তে কদমতলায় যাও।। ৪।।

১ 'রাধা' তোলাপাঠে। □ ২ প্রথমে 'সকল'। পরে 'ক' কাটিয়া তোলাপাঠে 'ক' করা। □ ৩ 'সে তো' তোলাপাঠে।

৩৬৬. ধানুযীরাগ : ॥ একতালী ॥

কদমতবুতল গিআঁ। কিশলয়েঁ শয়ন বিছাইআঁ।। আল রাধা।।
আগর চন্দন আঞ্জো মাখী। কাজলে রঞ্জিল দুঐ আখী।। ল।। ১
হেন নেহ বড়ায়ির উদ্দেশে। চলি গেলি রাধিকা হরিষে।। ধু
ফুলে জড়ী বাম্বি কেশপাশে। পরিধান কর নেত বাসে।।
ভৃঞ্জার ভরিআঁ নৈল জলে। বাটা ভরী কপূর তাষুলে।। ২
তবুদল চালএ পবনে। কাহু আইসে হেন তাক মানে।
না দেখিআঁ ছাড়এ নিশাসে। বড়ায়িক মাঞ্জো আশোআসে।। ৩
হেনমতেঁ কতোখন রহী। কদমতলাত রাধা রাহী।।
না পাইল কাহাঐওঁ দৈবদোষে। গাইল বড়ু চণ্ডীদাসে।। ৪

□ কবির বিবৃতি : রাধা কদম্বতবুতলে গিয়া কিশলয়ে শয়না রচনা করিলেন এবং অঞ্জো অগুরুচন্দন মাখিয়া দুই চক্ষু কাজলে রঞ্জিত করিলেন।। ১।। রাধিকা কৃষ্ণপ্রেমে ব্যাকুল হইয়া বড়াইয়ের নির্দেশমত হুঁষ্টমনে গমন করিলেন।। ধু।।

তিনি পুষ্পমাল্যে কেশপাশ বাঁধিলেন, সূক্ষ্মবস্ত্র পরিধান করিলেন, ভৃঙ্গার ভরিয়া জল এবং বাটা ভরিয়া কপূর ও তাম্বুল লইলেন ॥ ২ ॥ বাতাসে বৃক্ষসমূহ আন্দোলিত হইতেছে, তাহা দেখিয়া তাঁহার মন হইল কৃষ্ম আসিতেছেন। তাঁহাকে না দেখিয়া বড়াইয়ের কাছে আশ্বাস চাহিতেছেন ॥ ৩ ॥ এইভাবে কদমতলায় কিছুক্ষণ থাকিলেন, কিন্তু দৈবদোষে কৃষ্ণের দর্শন পাইলেন না ॥ ৪

৩৬৭. পাহাড়ীআরাগঃ ॥ ক্রীড়া ॥

কদম্বস্য তলে স্থিতা রাধা তত্র চিরক্ষণং।
মনোজশিখিসন্তপ্তা বি (১৯৯/১) ললাপ নিরন্তরং ॥

□ রাধা সেই কদম্বতলে দীর্ঘকাল অবস্থান করিয়া মদনানলে সন্তপ্ত হইয়া বড়াই বিলাপ করিলেন ॥

.....

দিনের সুবুজ পোড়াআঁ মারে রাতিহো এ দুখ চান্দে।
কেমন সহিব পরাণে বড়ায়ি চখুত নাইসে নিন্দে ॥
শীতল চন্দন অজেগে বুলাওঁ তভেঁ বিরহ না টুটে।
মেদনী বিদার দেউ গো বড়ায়ি লুকাওঁ তাহার পেটে ॥ ১
আল। দহে পৈসু কাল দূতী।
উথাআঁ পাথাআঁ আহ্না আশিল নিফলে পোহাইল রাতী ॥ ধু
তবেঁ বুয়িলেঁ বড়ায়ি কি মোর কাহের সমে নেহা বাঢ়ায়িআঁ।
এখন আহ্নার মরণ বড়ায়ি নিকট মেলিল আসিআঁ ॥
দিন পাঁচ সাত রসত লাগিআঁ দুগণ পোড়নি সারে।
আর তার মুখ দেখিতেঁ না পাইলেঁ করমফল আহ্নারে ॥ ২
সব খন মোরে' নান্দের নন্দন চুস্বন করে কপোলে।
হেন হাথ নিধী কে হরি নিলে মো দুখমতীর হেলে ॥
একেঁ দহদহ ঘসির আগুন আরে কে না জালে ফুকে।
ভিড়ি আলিঙ্গন দিতে না পাইলেঁ (১৯৯/২) এ শাল থাকিল বুকে ॥ ৩
কি মোর যৌবন ধনে ল বড়ায়ি কি মোর বসতী বাশে'।
আন পাণী মোকে একো না ভাএ কি মোর জীবন আশে ॥
মাথা মুণ্ডিআঁ যোগিনী হআঁ বেড়ায়িবোঁ নানা দেশে।
বাসলীচরণ শিরে বন্দিআঁ গাইল বডু চণ্ডীদাসে ॥ ৪

□ রাধার উক্তি : বড়াই, দিবসে সূর্যের উত্তাপ, রাত্রেও চন্দ্র অনল বর্ষণ করে। এত দুঃখ কি করিয়া সহিব? চোখে আমার নিদ্রা নাই। শীতল চন্দন অজেগে মাখিতেছি তবু বিরহজ্বালা শান্ত হয় না। মেদিনী বিদীর্ণ হউক, তাহার অভ্যন্তরে

প্রবেশ করিয়া বাঁচি ॥ ১ ॥ কাল-দূতী জলে ডুবিয়া মরুক। আশা ভরসা দিয়া আমাকে আনিল। কিন্তু বৃথা রজনী অতিবাহিত হইল ॥ ধু ॥ তাই বলি বড়ায়ি, কৃষ্মের সহিত প্রীতি বাড়াইয়া লাভ কি? বড়ই, এখন আমার মৃত্যু সন্নিকট। কয়েকদিনের সুখের জন্য দ্বিগুণ জ্বালা। আমার কর্মফলে তাঁহার মুখ দেখিতে পাইলাম না ॥ ২ ॥ যে নন্দনন্দন সর্বক্ষণ কপোলে চুম্বন করেন, সেই হাতের নিধিকে এই অভাগিনীর অবহেলায় কে হরণ করিল? এ ঘসির আগুন স্বভাবতই খিকিখিকি জ্বলিতেছে, তাহা কি আবার কেহ ফুঁ দিয়া জালে? হয়, নিবিড় আলিঙ্গনে তাঁহাকে বাঁধিতে পারিলাম না, এ শাল বৃকে বিঁধিয়া রহিল ॥ ৩ ॥ আমার যৌবন বলো, ধনরত্নই বলো সব বৃথা। আমার গৃহবাসে কি সুখ? অল্পপানীয় কিছুই আমার ভাল লাগে না। আমার জীবন রাখি কি আশায়? আমি মাথা মুড়াইয়া যোগিনী হইয়া নানা দেশে বেড়াইব ॥ ৪ ॥

১ ‘মোরে’ তোলাপাঠে। □ ২ প্রথমে ‘আসে’। পরে ‘আ’ কাটিয়া তোলাপাঠে ‘বা’।

৩৬৮. মল্লররাগঃ ॥ রূপকং ॥

মেঘ আন্ধারী আতি ভয়ঙ্কর নিশী। একসরী বুঝে মো কদমতলে বসী ॥
 চতুর্দিশ চাহেঁ কৃষ্ম দেখিতে না পাওঁ। মেদিনী বিদার দেউ পসিআঁ লুকাও ॥ ১
 নারিব নারিব বড়ায়ি যৌবন রাখিতে। সবখন মন বুঝে কাছাট্রিঁ দেখিতে। ল ॥ ধু
 ভ্রমরা ভ্রমরী সমে করে কোলাহলে। কোকিল কুহলে বসী সহকারডালে ॥
 মোএঁ তাকে মানো বড়ায়ি য়েহু যমদূত। এ দুখ খণ্ডিব কবেঁ যশোদার পুত ॥ ২
 বড় পতিআশে আইলোঁ বনের ভিতর।
 তভোঁ না মেলি (২০০/১) ল মোরে নান্দেঁর সুন্দর ॥
 উন্নত যৌবন মোর দিনে দিনে শেষ। কাছাট্রিঁ না বুঝে দৈবেঁ এ বিশেষ ॥ ৩
 মলয় পবন বহে বসন্ত সমএ। বিকশিত ফুলগন্ধ বহু দূর জাএ ॥
 এবেঁ বাঁট আন বড়ায়ি নান্দেঁর নন্দন। গাইল বড়ু চণ্ডীদাস বাসলীগণ ॥ ৪

□ রাখার উক্তি : মেঘান্ধকার ভয়ঙ্কর রাত্রি, আমি কদমতলে বসিয়া অশ্রু বিসর্জন করিতেছি। চারিদিকে খোঁজ করিয়া কৃষ্মকে কোথাও দেখিতে পাইতেছি না। মেদিনী বিদীর্ণ হউক, তাহার মধ্যে প্রবেশ করিয়া আত্মবিসর্জন করি ॥ ১ ॥ বড়াই গো, এ যৌবন যে আর রাখিতে পারি না। কৃষ্মকে দেখিবার জন্য সর্বদাই মন কাঁদিতেছে ॥ ধু ॥ ভ্রমর ভ্রমরীসহ গুঞ্জন করিতেছে, সহকার শাখায় বসিয়া কোকিল কুজন করিতেছে। বড়াই, আমার নিকট তাহারা যমদূতের সমান। হয়, যশোদানন্দন আসিয়া কবে আমার এ দুঃখের খণ্ডন করিবেন ॥ ২ ॥ বড় আশা করিয়া বনমধ্যে আসিলাম, তবু সেই সুন্দর নন্দনন্দনের দেখা পাইলাম না। আমার উন্নত যৌবন ধীরে ধীরে জীর্ণ হইয়া যাইবে। আমার দুর্ভাগ্য, কৃষ্ম একথা বুঝিতেছেন না ॥ ৩ ॥ বসন্তকালে মলয় পবন বহিতেছে, বিকশিত পুষ্পগন্ধ সেই বাতাসে বহুদূর পর্যন্ত ছড়াইয়া পড়িতেছে। বড়াই গো, শীঘ্র করিয়া এবার আমার নন্দনন্দনকে আনিয়া দাও ॥ ৪ ॥

৩৬৯. কহুরাগঃ ॥ যতিঃ ॥

মথুরার পথে বড়ায়ি এহি কদমের তলে ধীরে ধীরে বহে বসন্তের বাএ।
এবেঁ নানা ফুলেঁ মোএওঁ সেজা বিছাইআঁ কাহ্নাওঁ কাহ্নাওঁ দেওঁ রাএ ॥ ১
আল হের। কাহ্নাওঁ মোরে আণিআঁ দে।
আল পরাণের বড়ায়ি। কাহ্নাওঁ মোকে আণিআঁ দে ॥ ধু
বিরহ সাগর মোর গহীন গন্তীর বড়ায়ি এহাত কেমন হয়িব পার।
যদি কাহ্নাওঁ কর পার এ মোর কুচকুস্ত ভেলা করী হএ মোর তবেঁসি নিস্তারা ॥ ২
এহি ত বৃন্দাবনে বড়ায়ি পুড়িআঁ মারে মণে পড়ে কাহ্নাওঁ (২০০/২) র নেহে।
এবেঁ খীর নহে' এ বড়ায়ি কোণ পরকারে মরি জাইব কাহ্নের বিরহে ॥ ৩
এহি বৃন্দাবন এ বড়ায়ি তিলে তিলে চাহিল না পাইল কাহ্নের উদ্দেশে।
বাসলীচরণ শিরে বন্দিআঁ এ বড়ায়ি গাইল বড়ু চণ্ডীদাস ॥ ৪

□ রাধার উক্তি : বড়াই, মথুরার পথে এই কদম্বের তলে ধীরে ধীরে বসন্তবায়ু বহিতেছে। এখন বিবিধ ফুলে শয্যা রচনা করিয়া আমি কৃষ্ণ কৃষ্ণ বলিয়া ডাকিতেছি ॥ ১ ॥ বড়াই গো, কৃষ্ণকে আমার কাছে আনিয়া দাও। ওগো প্রাণের বড়াই, কৃষ্ণকে আনিয়া দাও ॥ ধু ॥ গহন গভীর এই বিরহসাগর। এ সাগর কি করিয়া পার হইব? আমার কুচকুস্তকে ভেলা করিয়া কৃষ্ণ করিয়া যদি পার করিয়া দেন তবেই নিস্তার পাই ॥ ২ ॥ এই বৃন্দাবন দেখিয়া কৃষ্ণপ্রেমের কথা মনে পড়ে আর বিরহ জ্বালায় হৃদয় দগ্ধ হয়। এখন কোনো প্রকারের চিন্তা ধৈর্য্য মানে না। কৃষ্ণবিরহে প্রাণত্যাগ করিব ॥ ৩ ॥ বড়াই গো, এই বৃন্দাবনে তিল তিল করিয়া খুঁজিলাম, তবু কৃষ্ণের উদ্দেশ পাইলাম না ॥ ৪ ॥

১ ছাড়। প্র : চিত।

৩৭০. বেলাবলীরাগঃ ॥ যতিঃ ॥

রাধামাধবমুষ্ণিয়া পরিশ্রান্তা বনান্তরে।
জগদ জরতীং রাধা স্মরজ্বরভরাতুরা ॥

□ তখন মদনকাতরা রাধিকা বনান্তরে মাধবকে অশ্বেষণ করিয়া পরিশ্রান্ত হইয়া বৃন্দাকে এই কথা বলিলেন ॥

.....

প্রভু জগন্নাথেঁ মোরে যত বুইল। আল হের বড়ায়ি
মোএওঁ দুখমতী তাক না শুনিল ॥ হরি হরি ॥
এবেঁ আয়ে মণে পরিভাবিল। আল হের বড়ায়ি।
সে কারণে আয়ে এত দুখ পাইল ॥ হরি হরি ॥ ১
এবেঁ হৈল মোহের আরততী'। আর হের বড়ায়ি।
বোল কাহ্নে রাধা মাঙ্গে সুরতী ॥ ধু